

## **Atham woIuanna 3**

### **Atham i'rapuruk ammakka**

### **oIuanna pokurrot**

### **Lon lonothon**

Lon elli ilotte lokat lokurrakot cakuruk mpul iprik pothothilettat oIuanna. Ook pen akkakurrot atham ie'ra woIuanna. Kwaik pakurrine opuruko pung oKaiac (1.1). OIuanna popirat noka akka kwoccikothe itti oKaiac po'rumot nothomakot kathar kolon ilaik icat (1.3-4).

OIuanna popirat noka naKaiac akka kwaik pittarot ul ioccokothe lon loIeccuo iaik wanyaro nomo'rong angkene ul w'rek lon loIeccuo (1.5). Kwomerekekathok itti kwamakot lon iloporot loThimiththrioc (1.12). Ana kwa'rettathe naak itti kwaccot kit nolon loThioththreppec ipere lon ngkarra ana ip'rat ikkie ul cik ioccokothe lon loIeccuo (1.9-10).

#### **Lon ilaik iatham**

1. Thomicco (1.1-4)
2. Thikkie ul cik iaththomrikarot (1.5-8)
3. OThioththreppec pietto ka kongo (1.9-10)
4. Inniakothe lon iloporot (1.11-12)
5. Thomicco ithocotheo (1.13-15)

<sup>1</sup> Lon elli naun pul iponu lon ikkun loul wonoppan toKapik,

Laine opangkin oKaioc ipa mpongothe icaricat.

<sup>2</sup> Pangkin, mpa'ra nga'rama itti ngkwaka poporot noka ana alon okanung loporot appik

ana ngkwarthuk paik pammakot lon loKapik.  
<sup>3</sup> Lopirierin noka cannan akka opang ponnongan th'rek thaat ncinang ana okin therenin lon loho'rumo tholon lon ilaik icat ana itti onon thaik thammakot papenang tat. <sup>4</sup> Mpella thopira noka cannan nothopira noka nolon ilanoccikot itti nyukul nyin nyaik nyammakot, lon ilaik icat.

### *OKaiac popiriettat noka*

<sup>5</sup> Pangkin, ngkwo'rumot nolon ila ngkwaik pakkinthet opangkangon, okin thantoka manna kwat kang. <sup>6</sup> Okin therenet ul ioccokothe lon loIeccuo lon lohongarot thon. Ngkwakkinthet kin lon loporot athiot kin ikathar ngkathar ikaKapik kongothe. <sup>7</sup> Akka okin theor akin otherene ul lon loIeccuo, okin thakinnipittat ul iakannoccokot lon loMiccie a'rupsu. <sup>8</sup> Ittina oron ithoccokothe lon loMiccie thonu itti oron thitarot ul wen iaik wangkene lon loMiccie othakka itti aron oka uraththut iire iaik ngarekakine lon ilaik icat.

### *OThioththreppc ana oThimeththrec*

<sup>9</sup> Mpokurrinet ul ioccokothe lon loIeccuo anaruk oThioththreppc ipongothe itti kwaka pul iprik ana kwakannangkot lon lonnon. <sup>10</sup> Amma mpaat ana mperene non lon ila kwaik pakkot, ana eret ton llon ilokithak. Kwakan-noco'rat cincang tulluk, anaruk kwakinnikkie opang ponnongan cik ithaik there lon loMiccie ana akwokicce opilingon nti iul ioccokothe lon loIeccuo.

<sup>11</sup> Pangkin, kirrnni innikkot lon ilokithak anaruk innikothe lon iloporot. Okkwi ipakkot

lon iloporot ook poKapik. Ana okkwi ipakkot lon ilokithak kwommat Kapik. <sup>12</sup> Anaruk ul woppot werethe oThimiththrioc appik llon loporot ana ilaik icat. Onin cakuruk therethok llon loporot ana onon nthina itti lon lin laik icat.

*Lon ilacothot*

<sup>13</sup> Mponu lon loppot ila mpongothe itti mpakurrinung anaruk mpakannangkot itti mpakurinthung noka'rmacak. <sup>14</sup> Mpongothe itti mpimmang othakka itti arit ere arit okathaccetto toma. <sup>15</sup> Athomicco oka naung. Opangkingon ithanin thaik cene thaik thammiccong. Ommicci opang ponnongan cinang n'ran wen.

**Lumun**  
**Lumun: Lumun (Bible)**

copyright © 2020 Wycliffe Bible Translators, Inc.

Language: Lumun

Contributor: ECS Diocese of Khartoum Translation Department

This text box needs to have content for PT9 to upload is to the DBL.

All rights reserved.

2020-11-18

---

PDF generated using Haiola and XeLaTeX on 21 Feb 2024 from source  
files dated 29 Jan 2022

b9cb69ce-3694-5d9f-bda5-4a2243faaeee